

阿毗達磨集異門足論卷第七 同七

尊者舍利子說 三藏法師玄奘奉 詔譯

四法品第五之二

四智者謂法智類智他心智世俗智法智云何
答緣欲界行諸無漏智緣欲界行因諸無漏智緣欲界行滅諸無漏智緣欲界行能斷

道諸無漏智復次緣法智及緣法智地諸無漏智是名法智類智云何答緣色無色界行諸無漏智緣色無色界行因諸無漏智緣色無色界行滅諸無漏智緣色無色界行能斷道諸無漏智復次緣類智及緣類智地諸無漏智是名類智他心智云何答若智修所成是修果依止修已得不失能知欲色界和合現前他心心所及一分無漏他心心所是名他心智世俗智云何答諸有漏慧是名世俗智復有四智謂苦智集智滅智道智苦智云何答於五取蘊思惟非常苦空非我所起無漏智是名苦智集智云何答於有漏因思惟

因集生緣所起無漏智是名集智滅智云何
答於諸擇滅思惟滅靜妙離所起無漏智是名滅智道智云何答於無漏道思惟道如行出所起無漏智是名道智

四力者一信力二精進力三定力四慧力信力云何答依諸如來應正等覺所植淨信是有根生安立堅固一切沙門及婆羅門諸天魔梵若餘世間皆無有能如法牽奪是名信力精進力云何答為令已生惡不善法斷故起欲發勤精進策心持心為令未生惡不善法不生故起欲發勤精進策心持心為令未生善法生故起欲發勤精進策心持心為令已生善法堅任不忘修滿倍增廣大智作證故起欲發勤精進策心持心是名精進力定力云何答離欲惡不善法有尋有伺離生喜樂入初靜慮具足任廣說乃至入第四靜慮具足任是名定力慧力云何答如實了知是苦聖諦如實了知是苦集聖諦如實了知是苦聖諦如實了知是苦集聖諦如實了知是

苦滅聖諦如實了知是趣苦滅道聖諦是名
慧力問何故名力答以因此力依此力任此
力能斷能碎能破一切結縛隨眠隨煩惱纏
故名爲力

四處者一慧處二諦處三捨處四寂靜處慧
處云何答如薄伽梵於辯六界記別經中爲

同七

二

具壽池堅說苾芻當知最勝慧處謂漏盡智
是故苾芻應成就漏盡智若成就漏盡智說
名成就最勝慧處是名慧處諦處云何答如
薄伽梵於辯六界記別經中爲具壽池堅說
苾芻當知最勝諦處謂不動解脫諦者謂如
實法誑者謂虛妄法是故苾芻應成就不動

解脫若成就不動解脫說名成就最勝諦處
是名諦處捨處云何答如薄伽梵於辯六界
記別經中爲具壽池堅說苾芻當知先所執
受無智無明越正路法今時應捨應變吐應
除棄苾芻當知最勝捨處謂棄捨一切依愛
盡離染求滅涅槃是故苾芻應成就此涅槃

若成就此涅槃說名成就最勝捨處是名捨
處寂靜處云何答如薄伽梵於辯六界記別
經中爲具壽池堅說苾芻當知貪染惱心令
不解脫瞋染惱心令不解脫癡染惱心令不
解脫苾芻當知此貪瞋癡無餘求斷變吐除
棄愛盡離染求滅靜沒名具寂靜是故苾芻

應成就真寂靜若成就真寂靜說名成就最
勝寂靜處是名寂靜處

四蘊者一戒蘊二定蘊三慧蘊四解脫蘊戒
蘊云何答如薄伽梵於辯三蘊記別經中作
如是說苾芻當知我說學戒若無學戒若一
切善非學非無學戒皆是戒蘊是名戒蘊定

同七

三

蘊云何答如薄伽梵於辯三蘊記別經中作
如是說苾芻當知我說學定若無學定若一
切善非學非無學定皆是定蘊是名定蘊慧
蘊云何答如薄伽梵於辯三蘊記別經中作
如是說苾芻當知我說學慧若無學慧若一
切善非學非無學慧皆是慧蘊是名慧蘊解

脫蓋云何答如薄伽梵於辯三蓋記別經中作如是說苾芻當知我說學解脫若無學解脫若一切善非學非無學解脫皆是解脫蓋是名解脫蓋

四依者一思擇一法應遠避二思擇一法應受用三思擇一法應除遣四思擇一法應忍

受云何思擇一法應遠避答如薄伽梵於防諸漏記別經中作如是說汝等苾芻應審思擇惡象惡馬惡牛惡狗惡水牛等當遠避之應審思擇株杌毒刺坑塹崖谷井廁河等當遠避之應審思擇惡行惡威儀惡友惡伴侶惡行處惡卧具等當遠避之惡卧具者謂若

受用如是卧具為諸有智同梵行者不應分別處而生分別不應測量處而生測量不應猜疑處而生猜疑如是卧具我說為惡汝等苾芻應當遠避是名思擇一法應遠避云何思擇一法應受用答如薄伽梵於防諸漏記別經中作如是說汝等苾芻應審思擇如法

衣服當受用之不為勇健不為傲逸不為顏貌不為端嚴但為遮防蚊蝥寒熱蛇蠍等觸及為覆蔽深可著耻醜陋身形應審思擇如法飲食當受用之不為勇健不為傲逸不為顏貌不為端嚴但為此身暫住存濟止息飢渴攝受梵行為斷故受不起新受無罪存濟力樂安住應審思擇如法卧具當受用之不為勇健不為傲逸不為顏貌不為端嚴但為遮防寒熱風雨及得最勝安隱寂靜應審思擇如法醫藥當受用之不為勇健不為傲逸不為顏貌不為端嚴但為止息未起已起所有疾病得修善業是名思擇一法應受用云

同七

四

何思擇一法應除遣答如薄伽梵於防諸漏記別經中作如是說汝等苾芻已起欲尋恚尋害尋不應韞蓄應速斷滅變吐除遣是名思擇一法應除遣云何思擇一法應忍受答如薄伽梵於防諸漏記別經中作如是說汝等苾芻應起精進有勢有勤勇捍堅猛不捨

善輒假使我身血肉枯竭唯皮筋骨連柱而存若本所求勝法未獲終不止息所起精進又精進時身心疲倦終不由斯而生懈怠應深忍受寒熱飢渴地蠍蚊蝻風雨等觸又應忍受他人所發能生身中猛利辛楚奪命苦受毀辱語言是名思擇一法應忍受

四法迹者一無貪法迹二無瞋法迹三正念法迹四正定法迹云何無貪法迹答無貪者謂於欲境諸不貪不等貪廣說乃至非貪類非貪生是名無貪法迹者謂即無貪亦名爲法亦名爲迹亦名法迹是故名爲無貪法迹云何無瞋法迹答無瞋者謂於有情不欲損害不懷栽杙不欲擾惱廣說乃至非已爲過患非當爲過患非現爲過患是名無瞋法迹者謂即無瞋亦名爲法亦名爲迹亦名法迹是故名爲無瞋法迹云何正念法迹答正念者謂依出離遠離所生善法諸念隨念廣說乃至心明記性是名正念法迹者謂即正念

同七

五

亦名爲法亦名爲迹亦名法迹是故名爲正念法迹云何正定法迹答正定者謂依出離遠離所生善法謂令心住廣說乃至心一境性是名正定法迹者謂即正定亦名爲法亦名爲迹亦名法迹是故名爲正定法迹四應證法者謂或有法是身應證或復有法

是念應證或復有法是眼應證或復有法是慧應證云何有法是身應證答謂入解脫是身應證云何有法是念應證答謂宿住事是念應證云何有法是眼應證答謂死生事是眼應證云何有法是慧應證答謂諸漏盡是慧應證

第三盟柁南曰

三四法有九 行修業受軛 離繫與瀑流 取繫各四種

有四行四修定四業四法受四軛四離繫四瀑流四取四身繫

四行者一苦遲通行二苦速通行三樂遲通

行四樂速通行云何苦遲通行答靜慮不攝
下品五根是名苦遲通行云何苦速通行答
靜慮不攝上品五根是名苦速通行云何樂
遲通行答靜慮所攝下品五根是名樂遲通
行云何樂速通行答靜慮所攝上品五根是
名樂速通行

復有四行一不堪忍行二堪忍行三調伏行
四寂靜行云何不堪忍行答謂不堪忍寒熱
飢渴蛇蠍蚊蟲風雨等觸又不堪忍他人所
發能生身中辛楚猛利奪命苦受罵辱語言
如是種類是名不堪忍行云何堪忍行答謂
能堪忍寒熱飢渴蛇蠍蚊蟲風雨等觸又能
堪忍他人所發能生身中辛楚猛利奪命苦
受罵辱語言如是種類是名堪忍行云何調
伏行答眼見色時專意繫念防護眼根調伏
其心不令發起煩惱惡業耳聞聲時鼻嗅香
時舌嘗味時身覺觸時意了法時專意繫念
防護耳根廣說乃至防護意根調伏其心不

同七

六

令發起煩惱惡業是名調伏行云何寂靜行
答謂四念住四正斷四神足五根五力七等
覺支八聖道支四通行四法迹奢摩他毗鉢
舍那是名寂靜行問何故說此名寂靜行答
以於此行若習若修若多所作能令已生貪
欲瞋恚愚癡慢等寂靜等寂靜最極寂靜是
故說此名寂靜行

四修定者一有修定若習若修若多所作爲
能獲得現法樂住二有修定若習若修若多
所作爲能獲得最勝知見三有修定若習若
修若多所作爲能獲得勝分別慧四有修定
若習若修若多所作爲能獲得諸漏永盡云
何修定若習若修若多所作爲能獲得現法
樂住答於初靜慮所攝離生喜樂俱行心一
境性若習若修堅作常作精勤修習是名修
定若習若修若多所作爲能獲得現法樂住
云何修定若習若修若多所作爲能獲得最
勝知見答於光明想俱行心一境性若習若

修堅作常作精勤修習是名修定若習若修若多所作爲能獲得最勝知見云何修定若習若修若多所作爲能獲得勝分別慧若於受想尋觀俱行心一境性若習若修堅作常作精勤修習是名修定若習若修若多所作爲能獲得勝分別慧云何修定若習若修若

同七

七

多所作爲能獲得諸漏永盡若於第四靜慮所攝清淨捨念俱行阿羅漢果無間道攝心一境性若習若修堅作常作精勤修習是名修定若習若修若多所作爲能獲得諸漏永盡如薄伽梵於波羅衍拏起問中說

斷欲想憂怖 離昏沉睡眠 及惡作掉舉

得捨念清淨 法輪爲上首 得正智解脫

我說斷無明 得勝分別慧

四業者一黑黑異熟業二白白異熟業三黑白黑白異熟業四非黑非白無異熟業能盡諸業云何黑黑異熟業若如世尊爲持俱胝牛戒布刺拏說圓滿當知世有一類補特伽

羅造有損害身語意行彼造有損害身語意行已積集增長有損害法彼積集增長有損害法已感得有損害自體彼感得有損害自體已生有損害世間彼生有損害世間已觸有損害觸彼觸有損害觸已受有損害受一向不可愛一向不可樂一向不可喜一向不可

可意如那落迦諸有情類彼由此類有此類生生已復觸如是類觸是故我說彼諸有情隨自造業圓滿當知是名黑黑異熟業造有損害身語意行者謂造不善身語意行於此義中意說不善身語意行名有損害身語意行彼造有損害身語意行已積集增長有損害法者謂造不善身語意行已造作增長不遠離法於此義中意說造作增長不遠離法名積集增長有損害法彼積集增長有損害法已感得有損害自體者謂造作增長不遠離法已感得地獄中有於此義中意說地獄中有名有損害自體所以者何謂任彼中有

中眼所見色耳所聞聲鼻所嗅香舌所嘗味
 身所覺觸意所了法一切不可意非可意不
 悅意非悅意不可意相非可意相不平等相
 非平等相彼由此緣純受憂苦彼感得有損
 害自體已生有損害世間者謂感得地獄中
 有已生地獄趣於此義中意說地獄趣各有

同七

八

損害世間所以者何謂生地獄趣已眼所見
 色乃至意所了法一切不可意非可意廣說
 乃至不平等相非平等相彼由此緣純受憂
 苦彼生有損害世間已觸有損害觸者謂生
 地獄趣已觸地獄觸於此義中意說地獄觸
 各有損害觸彼觸有損害觸已受有損害受
 者謂觸如是類觸定受如是類受觸順苦受
 觸時必受苦受由此故說觸有損害觸已受
 有損害受一向不可愛一向不可樂一向不
 可喜一向不可意者謂彼苦受一切有情皆
 共不愛不樂不喜亦不可意由此故說一向
 不可愛乃至不可意如那落迦諸有情類者

謂顯趣向地獄世間諸有情類由此故說如
 那落迦諸有情類彼由此類有此類生者謂
 彼有情有所依事有因有緣而生於彼由此
 故說彼由此類有此類生生已復觸如是類
 觸者謂生地獄已復觸地獄觸由此故說生
 已復觸如是類觸是故我說彼諸有情隨自

造業者謂設若造有損害身語意行若不造
 有損害身語意行俱積集增長有損害法或
 俱不積集增長有損害法若積集增長有損
 害法若不積集增長有損害法俱感得有損
 害自體或俱不感得有損害自體若感得有
 損害自體若不感得有損害自體俱生有損

同七

九

害世間或俱不生有損害世間若生有損害
 世間若不生有損害世間俱觸有損害觸或
 俱不觸有損害觸若觸有損害觸若不觸有
 損害觸俱受有損害受或俱不受有損害受
 則不應言是故我說彼諸有情隨自造業以
 若造有損害身語意行則積集增長有損害

法若不造有損害身語意行則不積集增長
有損害法若積集增長有損害法則感得有
損害自體若不積集增長有損害法則不感
得有損害自體若感得有損害自體則生有
損害世間若不感得有損害自體則不生有
損害世間若生有損害世間則觸有損害觸
若不生有損害世間則不觸有損害觸若觸
有損害觸則受有損害受若不觸有損害觸
則不受有損害受由此應言是故我說彼諸
有情隨自造業是名黑黑異熟業者謂此業
是不善感非愛異熟云何白白異熟業答如
世尊為持俱胝牛戒補刺拏說圓滿當知世
有一類補特伽羅造無損害身語意行彼造
無損害身語意行已積集增長無損害法彼
積集增長無損害法已感得無損害自體彼
感得無損害自體已生無損害世間彼生無
損害世間已觸無損害觸彼觸無損害觸已
受無損害受一向可愛一向可喜

一向可意如超段食天諸有情類彼由此類
有此類生生已復觸如是類觸是故我說彼
諸有情隨自造業圓滿當知是名白白異熟
業造無損害身語意行者謂造善身語意行
於此義中意說善身語意行名無損害身語
意行彼造無損害身語意行已積集增長無
損害法者謂造善身語意行已造作增長遠
離法於此義中意說造作增長遠離法各積
集增長無損害法彼積集增長無損害法已
感得無損害自體者謂造作增長遠離法已
感得色界中有於此義中意說色界中有各
無損害自體所以者何謂住彼中有中眼所
同七
見色耳所聞聲身所覺觸意所了法一切可
意非不可意悅意非不悅意可意相非不可
意相平等相非不平等相彼由此緣純受喜
樂彼感得無損害自體已生無損害世間者
謂感得色界中有已生色界天趣於此義中
意說色界天趣各無損害世間所以者何生

觸無損害觸則受無損害受若不觸無損害
觸則不受無損害受由此應言是故我說彼
諸有情隨自造業是名白白異熟業者謂此
業是善感可愛異熟云何黑白黑自異熟業
答如世尊為持俱胝牛戒補刺擊說圓滿當
知世有一類補特伽羅造有損害無損害身

語意行彼造有損害無損害身語意行已積
集增長有損害無損害法彼積集增長有損
害無損害法已感得有損害無損害自體彼
感得有損害無損害自體已生有損害無損
害世間彼生有損害無損害世間已觸有損
害無損害觸彼觸有損害無損害觸已受有
損害無損害受相間相雜如人及一分天諸
有情類彼由此類有此類生生已復觸如是
類觸是故我說彼諸有情隨自造業圓滿當
知是名黑白黑自異熟業造有損害無損害
身語意行者謂造善不善身語意行於此義
中意說善不善身語意行名有損害無損害

同七

十二

身語意行彼造有損害無損害身語意行已
積集增長有損害無損害法者謂造善不善
身語意行已造作增長遠離不遠離法於此
義中意說造作增長遠離不遠離法名積集
增長有損害無損害法彼積集增長有損害
無損害法已感得有損害無損害自體者謂
造作增長遠離不遠離法已感得人及欲界
天中有於此義中意說人及欲界天中有名
有損害無損害自體所以者何謂住彼中有
中眼所見色耳所聞聲鼻所嗅香舌所嘗味
身所覺觸意所了法一切可意亦不可意悅
意亦不悅意可意相亦不可意相平等相亦
不平等相彼由此緣雜受苦樂彼感得有損
害無損害自體已生有損害無損害世間者
謂感得人及欲界天中有已生人及欲界天
趣於此義中意說人及欲界天趣名有損害
無損害世間所以者何謂生人及欲界天趣
色眼所見色乃至意所了法一切可意亦不

可意廣說乃至平等相亦不平等相彼由此緣雜受苦樂彼生有損害無損害世間已觸有損害無損害觸者謂生人及欲界天趣已觸人及欲界天觸於此義中意說人及欲界天觸各有損害無損害觸彼觸有損害無損害觸已受有損害無損害受者謂觸如是類

同七

十三

觸定受如是類受觸順苦樂觸時必受苦樂受由此故說觸有損害無損害觸已受有損害無損害受相間相雜者謂苦樂受相間相雜而現在前由此故說相間相雜彼由此類有此類生者謂彼有情有所依事有因有緣而生於彼由此故說彼由此類有此類生

已復觸如是類觸者謂生人及欲界天已復觸人及欲界天觸由此故說生已復觸如是類觸是故我說彼諸有情隨自造業者謂設若造有損害無損害身語意行若不造有損害無損害身語意行俱積集增長有損害無損害法或俱不積集增長有損害無損害法

若積集增長有損害無損害法若不積集有損害無損害法俱感得有損害無損害自體或俱不感得有損害無損害自體若感得有損害無損害自體若不感得有損害無損害自體俱生有損害無損害世間或俱不生有損害無損害世間若生有損害無損害世間若不生有損害無損害世間俱觸有損害無損害觸或俱不觸有損害無損害觸若觸有損害無損害觸若不觸有損害無損害觸俱受有損害無損害受或俱不受有損害無損害受則不應言是故我說彼諸有情隨自造業

說一切有部集異門足論卷第七 同七

殖常力 杙吾骨 刺七 慳勝 慳二 崖吾皆

測昌 猜七 韞上 蓄下 捍音 筋音 能音

拏尼加 抵反 刺音

十四末